



Nivi Olsen  
Inatsisartuni ilaasortaq, Demokraatit

**Akissuteqaat, § 37 naapertorlugu apeqquteqaammut nr. 003/2024-mut – KNR-imi tusagassiortut pillugit**

30-01-2024  
Suliaq normu: 2023 - 3471  
Akt nr. 23805172

Postboks 1029  
3900 Nuuk  
Tlf: +299 34 50 00  
Email: [ikin@nаноq.gl](mailto:ikin@nаноq.gl)  
[www.nаноq.gl](http://www.nаноq.gl)

Asasara Nivi Olsen,

Qujanaq apeqquteqaatinut, Inatsisartut suleriaasianni aalajangersakkat naapertorlugit saqqummiussannut. Taakkua uani ataani akissuteqarfigaakka.

**Apeqquut 1:** *KNR-imi tusagassiortut kalaallisut oqaaseqartunik amigaateqarneq anigorniarlugu sinaakkutit ikiorsiissutaasinnaasut suut Naalakkersuisut suliniutigissallugit aallarnisarpaat?*

**Akissut:** Naalakkersuisut eqqumaffigaat KNR-imi unammilligassat piusut, KNR-ip nutaarsiassaqaartitsiviani sulisunik tigumminiinnarniarneq pillugu atuuttuusut. Unammilligassat pineqartut piusut inatsisiliornikkut akisussaaffeqarnikkullu suliassaqaarfinni assigiinngitsuni inissisimapput. Taamaattumik illuatungeriit isumaqatigiissutigaaq unammilligassat assigiinngiaartuusut KNR-imiittut oqartussaaffinnit susassaqaartunut isumagineqartarnissaat.

Ingerlaavartumillu oqaloqatigiittoqartarneratigut Naalakkersuisut aamma KNR-ip akornanni maanna sulissutigineqarpoq ataatsimoorussamik oqaaseqaatissaq, ajornartorsiutit immikkoortut pingaarnerit pingasuusut ukuusullu pillugit:

- Tusagassiortunik tigumminiinnartarneq aamma sulisussarsiortarneq
- Akissarsiat
- Illorsuaq

Naalakkersuisut naatsorsuutigaat oqaaseqaatissap sapinngisamik qanittukkut saqqummiunneqarsinnaanera.

**Apeqquut 2:** *KNR pillugu suligasuartussatut eqimattat maannakkumut qassit pilersinneqarsimappat?*

- a. Suligasuartussatut eqimattat taakku suut sammisatut suliarivaat?*
- b. Suligasuartussatut eqimattat innersuussutiminnik saqqummiussaqaarnissaat qaqugu naatsorsuutigisinnaavarput?*

**Akissut:** KNR-imi siulersuisuni siulittaasoq ataatsimeeqatigisimavara, juni qaammat 2023, tassani aalajangiunneqarpoq KNR nammineq suleqatigiissitamik pilersitissasoq

tamanna pisariaqartut nalilerneqassapat. Kisianni siulersuisut ulloq 27. Oktober 2023 nalunaarput siulersuisut suleqatigiissitamik pilersitsinissamut taarsiullugu ajornartorsiutit siulersuisut periusissiamik suliaqarnermikkut suussusilersussagaat, tassanilu ilanngunneqassasut apeqqutit sulisussarsiornermiittut kalaallinillu tusagassiorunik tigumminiinnartarnermut tunngasut, aammalu KNR-ip illuutai.

Tamatunungalu atatillugu aamma ilisimatitsissutigineqarsinnaavoq KNR piffissami matumani tusagassiorunik kalaallisut oqaasilinnik arfineq marlunnik sulisoqarmat. Ilutigisaanilli ilisimaneqarpoq taakkunannga ikittuinnaat nutaarsiassaleriffimmut atasuunerat.

Kiisalu aamma Naalackersuisoqarfimmi ataatsimiinnermi ulloq 14. November 2023 KNR-imi ulluinnarni aqutsisut ilisimatitsissutigaat nutaarsiassaleriffimmi tusagassiorut 15-it ukiuni kingullerni marlunni sulisorineqarsimanerat. Tamatuma saniatigut KNR-imit paasissutissat takutippaat 2018-2022-imi tusagassiorut 27-it nutaarsiassaleriffimiit soraartarsimanerat. Taamaalilluni kisitsisit pineqartut takutippaat sulisussarsiorarneq ajornartorsiutaasimanngitsoq annertoq, kisiannili sulisorisanik tigumminiinnarniartarneq ajornartorsiutaasimasoq.

Tamatunungalu atatillugu Naalackersuisut isumaqarput KNR-imi eqqumaffigineqartoq sulisorisat annertuumik taarseraattuuneri, tassanilu sulisunik tigumminiinnarniartarneq nutaarsiassaleriffimmut tunngasoq pineqartoq.

**Apeqqut 3:** *Naalackersuisut suliamut tunngasunik paasissutissanik allanik paasissutissiisinnaappat?*

**Akissut:** Innuttaasunik sullissinermik isumaqatigiissut, atsiorneqarpoq ulloq 22. Januar, maannalu tamanut saqqummiunneqareerluni, Naalackersuisullu quppersagaanni nassaassaalluni.

2024-mut aningaasanut inatsisissamut atatillugu isumaqatigiissummi naatsorsuutigineqarpoq Naalackersuisut 2024-p ingerlanerani sioqqutsisumik qulaajaanermik nassuiaammik suliaqarumaartut, tunuliaqutaasinnaasumik tusagassiuutit pillugit politikikkut isumaqatigiissutissamik.

Inussiarnersumik inuulluaqqusillunga

  
Aqqaluq B. Egede